

Sakspapir

Saksbehandler	Arkiv	ArkivsakID
Magne Verpelstad	FE-145	20/393

Saksnr	Utvalg	Type	Dato
024/2021	Kommunestyret	PS	06.05.2021

Innkjøpsreglement for Modalen kommune Nytt kapittel til Økonomireglementet

Forslag til vedtak:

Framlegg til innkjøpsreglement for Modalen kommune vert vedteke slik det ligg føre.

Innkjøpsreglementet vert lagt inn som eige kapittel i Modalen kommune sitt økonomireglement.

Saksopplysningar:

Bakgrunn

Modalen kommune sitt innkjøpsreglement har behov for oppdatering. Reglementet har ikkje vorte oppdatert etter ny forskrift frå 01.01.2017.

Nordhordland revisjon gjennomførte forenkla etterlevingskontroll på innkjøpsområdet hausten 2020 på området «Offentlege anskaffingar etter FOA del 1». Dette er anskaffingar i beløpsintervallet 0,1 mill til 1,3 millionar. Slike anskaffingar er omfatta av regelverket om offentlege innkjøp, med krav til konkurranse, men ingen formelle krav til prosedyre. Kontrollen synleggjorde m.a. behov for oppdatering av gjeldande reglement, samt behov for betre etterleving av retningslinene når det gjeld dokumentasjon/protokollføring av gjennomførte prosessar i samband med slike innkjøp.

Vurdering

Etterlevingskontrollen var til handsaming i Kontrollutvalet i september 2020. Som oppfølging av kontrollen, har administrasjonen laga framlegg til nytt innkjøpsreglement for Modalen kommune.

Nytt innkjøpsreglement vert lagt fram for kommunestyret til godkjenning. Reglementet er oppdatert i tråd med gjeldande forskrift for offentlege anskaffingar, jfr lov om offentlege anskaffingar.

Føremålet er å sikre at kommunen sine innkjøp vert utført i tråd med gjeldande lovar, forskrifter og

retningslinjer, og skal medverke til effektiv og god økonomiforvaltning og hindre økonomisk utraskap.

Innkjøpsreglementet vil verte lagt inn som eit kapittel i Økonomireglementet jfr KS-sak 063/2020 der framlegg til Økonomireglement vart vedteke og det vart lagt til grunn at økonomireglementet ville verte utfyllt med fleire område/kapittel etter kvart.

Konklusjon

Framlegg til innkjøpsreglement vert lagt fram for kommunestyret med tilråding om godkjenning/vedtak.

Kommunestyret - 024/2021

KS - behandling:

Rådmannen oienerte om saka og svara på spørsmål
Samrøystes vedteke

KS - vedtak:

Framlegg til innkjøpsreglement for Modalen kommune vert vedteke slik det ligg føre.

Innkjøpsreglementet vert lagt inn som eige kapittel i Modalen kommune sitt økonomireglement.

Vedlegg:

Innkjøpsreglement 2021 - til behandling i kommunestyret 06.05.21